

卷六十

書名 群書考索前集六十六卷
 正德十三年建陽劉氏慎獨
 書齋刊本
 撰者 宋 章如愚 撰
 卷 卷六十
 內容分類 子 類書 彙考 宋
 索書號 子部 類書 17
 編號 C5930500

[彩色首頁1](#)

[東洋文化研究所漢籍目錄 編號 C5930500](#)

[東洋文化研究所漢籍目錄所藏漢籍善本全文影像資料庫 索書號: 子部 類書 17](#)

[漢籍善本全文影像資料庫文本 群書考索前集六十六卷 正德十三年建陽劉氏慎獨](#)

[書齋刊本](#)

版權所有: [東京大學](#) [東洋文化研究所](#)


[使用上的注意事項](#)

群書考索卷之一

。六經

易經

學傳授之圖



前集

於前復置六郡柯帝置高陽。高平。西陵。東有樂浪南水昌郡四獲之盛亦如前漢云

群書考索卷六十

前集

山堂先生章俊卿編輯
建陽知縣區玉列行
縣丞管詔校正
。地理門
州郡類

魏州郡

魏武建鄴自生靈版蕩關洛荒蕪所置都十二新興。樂平。西平。帶方。譙郡。樂陵所省者七。中。郡。朔方。五原。雲。章武。南鄉。襄陽。定襄。漁陽。盧江。而文帝又置
七朝歌。新陽。弋陽。魏。明帝及少帝增二明。上。庸。得漢郡者五十
四焉

蜀州郡

蜀先主於漢建安之間置郡九巴東。巴西。梓潼。江陽。涪陵。後主
增二雲南。得漢郡者十一

群書考索卷六十

吳州郡

吳主大皇帝初置郡五濡須。武昌。廬陵。南郡。珠崖。少帝景帝各四少帝置臨海。

衛陽。建安。建平。合浦。景帝置天門。歸命侯亦置十有二郡始安。嘉興。安成。

新豐。武平。九德。吳興。得漢郡者十有八焉

西晉郡

武帝太康元年既平孫氏凡增置郡國二十有三河東。上洛。襄威。

樂陽。長廣。廣寧。昌黎。新野。隋郡。陰平。義陽。毗陵。省。

宣城。南康。晉安。寧浦。始平。零陽。樂平。南平。

司隸置司州別立梁奉寧平四州仍吳之廣州凡十九州司。真。充。

揚。青。梁。益。幽。平。并。雍。京。郡國一百七十三仍吳新置二十五乃。

魏新置二十三置二十一仍漢。舊有穀州之七武帝太康元年平吳分為十九州。

部置司州治洛陽充治帝丘豫治項城冀治房子并治晉陽青治臨淄

徐治彭城荆初治襄陽後治江陵初治壽春後治建業涼治武威分

三輔為雍治京兆分隴山之西為秦治上邽益治成都分巴漢之地為

梁治南鄭分雲南為寧治雲南幽治涿分遼東為平治昌黎交治龍編

分合備之北為廣治番禺又增置郡國二十有二凡州百五十有六縣

東晉中興郡國

千一百有九以為冠帶之國盡秦漢之土地云

永嘉南渡境宇殊狹九州之地有其二焉祖元帝命祖逖鎮雍丘逖死

此境漸蹙於是荆豫青兖四州又徐州之半陷劉曜石勒以合肥淮陰

壽陽泗口角城為重有成帝時鄭守時退屯寒陽康帝時平蜀漢役梁

益之地又遣軍而入關至濡土再北伐一至洛陽一至枋頭所得郡縣

軍旋入又失洎符堅乘平慕容暉西南陷蜀漢西北寇姑臧則漢水長

淮以北悉為堅有及堅敗再復梁益青徐兖荆河內之地其後青兖陷

於慕容德荆河徐陷於姚弋以彭城為北境藩扞後益梁又陷於譙縱

每因劉石符姚衰亂之際則進兵屯戍在於漢中襄陽彭城然大抵上

明江陵夏口武昌合肥壽陽淮陰當為晉氏鎮守義熙以後又復青兖

徐荆河梁益之地而政歸於宋矣

劉宋南國上宇

武帝北平廣固西定梁益又尅長安盡得河南之地長安尋為赫連勃
勃所陷至廢帝滎陽王景和中武牢以西復陷後魏今大較以孝武大
明為正凡二十有三州楊治建業南徐治京口徐治彭城南兗治廣陵
兗治瑕丘荆河治歷陽荆治汝南江治尋陽青治臨淄冀治歷城徐治
義陽荆治南郡郢治沔潭湘治臨湘雍治襄陽梁治南鄭秦亦治南鄭
益治成都寧治建寧廣治南海交治龍編越治臨澶郡凡二百三十有
八縣千一百七十有九初文帝元嘉中遣將北伐水軍入河冠魏碣礪
滑臺武牢洛陽四城其後又失又分軍北伐西軍尅弘農開方二城以
東攻滑臺不尅而平碣礪守之尋皆敗退於是後魏主大武總師經彭
城臨江屯於瓜步退攻盱眙不拔而旋明帝時後魏又南侵淮北青冀
徐兗四州及荆河州西境悉陷沒則長淮為北境橋徐兗於淮南立青
冀一州寄治顛榆其後十餘年而淮亡然初強盛也南鄭襄陽懸瓠彭
越歷城東陽皆為宋民藩扞矣

蕭齊南國土宇

齊氏淮北之地所有金少青州治朐山冀理渦口荆河治壽春北兗治
淮陰北徐治鍾離又置巴東治巴其餘州郡悉因宋代州二十有二郡
三百九十有五縣千四百七十有四其後蕭齊為後魏所侵至東昏末
元初汴北諸郡相繼敗沒又遣軍北伐敗於鬪馬屯益城又失壽春後
三年齊亡始全盛也南鄭樊城襄陽義陽壽春淮陰角城溲口脂山為
重鎮

蕭梁南國土宇

梁氏州郡多沿舊制天監中州二十有三郡三百五十縣千二十有五
其後更有析置大同中州十有七郡縣亦稱於此自侯景逆亂建康傾
陷墳籍散逸不可得而詳焉初武帝受禪數年即失漢川及淮西之地
其後諸將頻年與魏軍交戰於淮南淮北至有勝負雖得懸瓠彭城俄
而又失又尅壽春宋大通初大舉北伐淮北城鎮相次尅平直至洛陽
暫為梁有其後又復漢中至東魏將侯景以河南地降逆亂相尋有名
無實及景平後江北之地悉陷高齊漢川蜀川沒于西魏大抵雍州下

澁戍夏口白狗堆破石城合肥鍾離淮陰均山為重鎮

南陳南國土宇

陳氏比於梁代土宇彌蹙西不得蜀漢北失淮肥以長江為境有州四十有二郡百有九縣四百三十有八宣帝大建中頻年北伐諸將累捷盡復淮南之地更經畧淮北大破齊軍於呂梁及旋師屬高齊國亡又總軍北伐至呂梁周軍來拒又大破之旋為周軍所敗悉虜其衆自是江北之北盡沒于周又以長江為界及隋軍來伐遣將守狼尾灘荆明安蜀城公安巴陵已下並風靡退散隋軍自來石京口渡江而平之

元魏北國土宇

後魏起自北方至道武率兵下山東攻拔慕容寶中山遂有河北之地於是遷都平城慕容氏喪敗遣將南畧地至于滑臺許昌彭城明帝太常中始於滑臺許昌置兵鎮守天武帝時又得蒲坂長安統萬神慶中宋師來伐碣磔滑臺武牢戍將皆不守尋並復之太延以後東平遼東西平姑臧於是西至流沙東接高麗所未得者漢中及南陽縣瓠彭城

青州之南而已其後帝自南征遂臨瓜步宋之淮北城鎮守將多有敗沒獻文天安初自河之南長淮之北皆為魏有孝文遷都洛陽頻歲親征皆渡淮沔宣武初又得壽春績收漢川至于劔湖兼得淮西之地在帝時梁軍洛陽數旬敗走爾後內難相繼不暇外畧三四年後分為東西魏矣皆權臣擅命自永安末年爾朱世隆稱兵入洛圖籍散亡不可詳記今按舊史管州百十有一郡五百十有九縣千三百五十有二百自太武以後漸更強盛東征西伐尅定中原厲宋明以後及于齊梁國土漸蹙自守不暇雖時有侵掠而退不旋踵故魏之城鎮少被攻圍因利進取不常所守也

高齊北國土宇

北齊神武東魏天平末大舉西戎至蒲津西魏乘勝攻陷陝州神武西至沁苑西軍又乘勝襲陷洛陽明帝西師又至于河陰時拒守河陽城西師敗歸其後神武攻圍西魏玉璧不尅西師來伐至北邙山後神武又圍玉璧不尅文襄遣將圍潁川拔之於是河南自洛陽之西河北自

晉州之西悉入西魏文宣之代命將畧地南際于江矣武成清河中築
戍於軹關其年周軍至洛陽敗還後主武平中陳軍來侵盡失淮南之
地周師攻拔河陰大城後至隆化末西師攻拔晉州因之國滅自東西
魏之後天下三分梁陳有江東宇文有關西高氏據河北有州凡六十
有七郡百六十縣三百六十有五當齊神武之時與周文帝抗敵十三
四年間凡四出師大舉西伐周師東討者三焉自文宣之後縱守境而
已大抵西則姚襄城洪洞晉州武平關柏崖軹關河陽南則武平洛陽
北荊州孔防城汝南郡魯城置兵以防周寇及陳師侵軹數歲齊亡南
境要害未遑制置也

後周北國土宇

周文帝西魏大統中東魏師至蒲津文帝東征討陝州兼得宜陽郡邵
郡東師又至沙苑後文帝東征至河陰先勝後敗築城於玉壁文帝又
至印山先勝後敗得梁雍州廢帝初寇平漢中又遣軍平蜀文帝西征
至姑臧後又平江陵自是疆理西有姑臧西南有全蜀南至于江矣其

河南自洛陽之東之北河東自平陽之界至于高齊至武帝建德中東
征拔齊晉州城尋又東征破齊師於晉州城下衆勝平齊後遣軍破陳
軍於呂梁其東南之境盡于長沙通計州二百一十有一郡五百八縣
千三十有四當全盛戰爭之際則玉壁郡郡齊于嶺洛通防黃犢三城
宜陽郡南陝縣土剡三荆三鷓鎮置兵以備東軍

隋廢郡為州

隋文帝開皇三年遷都大興城遂廢諸郡以州治人自九載廓定江表
尋以戶口滋多析置州縣煬帝大業初移洛陽城又平林邑更置三州
既而併省諸州

隋改州為郡

三年改州為郡乃置司隸刺史分部巡察五年平定吐谷渾更置四部
大凡郡百九十縣千二百五十五東西九千三百里南北萬四千八百
一十五里東南皆至于海西至且末北至五原隋氏之盛極於此矣

唐改郡為州

唐改郡為州

大唐武德初改為郡州太守為刺史其邊鎮及襟帶之地置總管府以鎮軍戎至七年改總管府為都督府

唐置十道

自因隋季分割州府倍多前代貞觀初并省州縣始於山河形便分為十道一曰關內道二曰河南道三曰河東道四曰河北道五曰山南道六曰隴石道七曰淮南道八曰江南道九曰劔南道十曰嶺南道既北珍突厥頡利西平高昌東西九十五百十里南北萬六千九百八里高宗平高麗百濟得海東數千餘里旋為新羅狴羯所侵失之又開四鎮即西境拓數千里者于闐疎勒龜茲焉耆諸國矣

唐置都督府

景雲二年又分置二十四都督府分統諸州時議以權重不便尋罷之唐採訪使及節度經畧

開元二十一年分為十五道置採訪使以檢察非法京畿都畿關內河南河東河北隴石山南東山南西劔南淮南江南東江南西黔中嶺南

又於邊境置節度經畧使式遏四夷大凡鎮兵四十九萬人戎馬八萬餘疋每歲經費衣賜則千二十萬疋沒軍倉則百九十萬石大凡千二百十萬鎮西節度使寧西振統龜茲國焉耆國于闐國疎勒國北庭節度使防制突騎施堅昆斬啜管瀚海東建康軍寧寇軍玉門軍墨離軍巨蘆軍新泉軍張掖郡守捉烏城守捉交城守捉白亭守捉朔方節度使捍禦北狄統經畧軍豐安軍安遠城西城安北都護府東城振武軍河東節度使倚角朔方統天兵軍雲中郡守捉大同軍橫野軍定襄郡鴈門郡樓煩郡岢嵐郡范陽郡節度使制臨奚契丹統經畧軍武軍清夷軍靜塞軍恒陽軍北平軍高陽軍唐興軍橫海軍平盧節度使統撫室韋靺鞨統平盧軍盧龍軍渝關守捉安東都護府隴右節度使統備西戎統臨洮軍河源軍白水軍安人軍振武軍威戎軍綏和守捉小川郡界守捉莫門軍寧塞軍積石軍鎮西軍平夷守捉劔南節度使西枕吐蕃南撫蠻獫狁管臨翼郡通化郡維川郡天寶軍蓬山郡交川郡平戎城盧山郡江源郡洪源郡昆明軍寧遠軍雲南軍澄川守捉

南江郡歸城郡鎮南五府經畧使綏靜夷僚統經畧軍清海軍挂管經畧使容管經畧鎮南經畧使邕管經畧使又有經畧守捉使三以防海寇長樂郡經畧使東萊郡守捉東牟郡守捉天寶初又改州為郡刺史為太守大凡郡府三百二十八縣千五百七十有三羈縻州郡不在其中其地東至安東都護府西至安南都護府南至日南郡北至單于都護府南北如前漢之盛東則不及西則過之

唐郡名

明皇開元中定天下州府自京都及諸都督護府外以近畿之州為四

輔同華其餘為六雜鄭 陝 汴 荆 襄 揚十望宋 亳 滑 許 汝 晉

洛相十繁初有十繁州後入及上中下之差天寶中上州一百九

百八○肅宗乾元初收復以郡為州置團練守捉使都團練守捉使大

者州鎮十餘小者二三州而已故自此所置皆無郡名而不復列上中

下之目其後有方鎮史官不錄於地理之書以為方鎮兵伐之事非職

方所掌故也

唐置十五道地理

明皇開元二十一年又因十道分山南江南為東西道增置黔中道及

京畿都畿置十五採訪使檢察如漢刺史之職京畿理西京今長安都畿理洛陽今

西關內多以京河南理鄭河東理太原河北理魏隴西理鄯山南東理襄

陽山南西理漢中淮南理揚江南東理吳江南西理豫黔中理黔

中嶺南理南及天寶盜起中國用兵而河西隴右不守陷于吐蕃自祿

亂河西暨鄯武靈岩等郡皆沒于吐蕃代宗寶慶元年又陷秦隴

廣德元年度陷河湟等郡德宗正元初又陷安西北庭隴右州縣

河北道

羈縻州突厥之別郡及奚契丹靺鞨降胡高麗為府十四州四十六隸

幽州都督安東都護府

關內道

突厥回紇党項吐谷渾為府二十九州九十隸靈夏延慶州都督并單

于安北都護府

隴右道

突厥回紇党項吐谷渾之別部及龜茲于闐焉耆疎勒河西內屬諸胡
西域十六國為府五十一州百九十八隸秦京臨松都督并安西都護
府

江南道
蠻為州五十一隸黔州都督府

嶺南道
蠻為州九十一隸峯桂邕都督并安南都護府瀘都督府

唐藩鎮
魏博傳五世至田弘正入朝十年復亂更四姓傳十世有州七

成德
更二姓傳五世至王承元入朝明年王庭湊反傳六世有州四

盧龍
更三姓傳五世至劉總入朝六月朱克融反傳十二世有州九

澤路
傳五世有州十二

宣成
傳三世至程權入朝十六年而李全畧有之至其子同捷而滅有州四

彰義
傳四世有州四

澤路
傳三世有州三

傳三世有州五

宋梁及十一國土宇
梁太祖朱溫都汴傳世三梁初天下別為十一南有吳浙荆湖閩漢西

有燕蜀北有燕晉而朱氏所有七十八州以為梁

昭宗乾寧初為幽州盧龍節度使梁初其子守光囚之

李克用稱晉

昭宗封晉王子存勗立是為莊宗國號唐

李茂正稱岐

僖宗時節度鳳翔後取興元有州二十岐隴涇原渭武秦成階鳳邠寧慶衍郿坊丹延梁洋其被梁圍也興元入于蜀開平以後郿坊入于梁秦鳳階成又入于蜀當梁末年所有七州封岐王

錢鏐稱吳越

僖宗時兼鎮杭越其後為楊行密所侵止十三州梁封為尚父吳越王

楊行密稱吳王

盡有淮南之地昭宗封為弘農王兼有宣鄂于溘嗣自稱吳王

王審知稱閩

黃巢寇亂審知因有閩嶺五州之地昭宗就封閩王

馬殷稱楚

盡有湖南之地後兼衡潭鼎澧二十餘州恩封為楚王

王建稱蜀

昭宗授之西川節度後併東川及山南諸郡

高季興稱南平

梁初領荆南節度十州後為諸道所侵季興所有一城而已

劉隱稱南漢

梁初封為海東王卒其弟陟襲位盡有嶺表之地僭號於廣州國號南

漢

後唐及五國地理

後唐莊宗謂存勗晉李克用之子都洛陽傳世凡四莊宗初起并代取幽滄有州三十五其後又取梁魏博等十有六州合五十一州以滅梁岐王稱臣又得其州至同光破蜀已而復失惟得秦鳳階成四州而營平二州陷于梁丹其王置之州一合一百二十三州以為唐

夏

李仁福卒子彝超留後卒弟彝興立

李仁福卒子彝超留後卒弟彝興立

也里月

李茂正卒子從儼立

前蜀王衍後孟知祥殂子昶立

湖南馬霸圖薨子希聲立薨弟希範立

明宗天成二年吳王楊溥稱帝

石晉及七國地理

晉高祖石敬瑭太原人為鄆帥唐末帝清泰三年以鴈門之北及幽州
所管州結契丹以攻唐自立都洛陽傳世凡二謹按五代職方考石氏
立獻十有六州于契丹而復得蜀金州又增置州一合一百九州以為

晉

孟昶

南平

高從誨

楚

馬希範

南漢

劉龔子玢

南唐

吳王楊溥遜于其相徐知誥改號齊知誥改姓李名昇號唐殂子璟嗣
位

陞

天福三年閩主王昶立審知之子延義為主五年制授福州王延義閩
王延義為其臣朱文進所弒詔授文進節度封閩王

吳越

年吳越王錢元瓘薨子佐襲位

劉漢及六國地理

漢高祖姓劉名高本名知遠晉少帝開運二年初封北平王三年即皇帝位於太原號大漢稱天福十二年云謹按五代職方考劉氏之初秦鳳階成復入于蜀隱帝時增置州即解合一百六州以為漢

蜀

孟昶

南平

高從誨子保猷

楚

馬希範希廣希萼

南漢

劉旻

南唐

吳越

錢元佐

郭周及七國地理

周太祖姓郭名威都汴傳世三謹按五代職方考郭氏代漢十州入于劉吳世宗取秦鳳階成瀛莫及淮南十四州又增置州五濟濱通雅霸而廢者三景武莫合一百一十八州以為周石晉末閏已先亡而在者七國自江以南二十一州為南唐。自劔以南及山南西道四十六州為蜀。自湖南北十州為楚。自浙東西十三州為長越。自嶺南北四十七州為南漢。自太原以北十州為北漢。荆歸峽三州為南平。右合七國所有一百六十八州而軍不在焉

宋朝肇造混一政計改廢置州郡

太祖受周禪。建隆元年李筠反澤潞遣石守信高懷德進討上親征。死。李重進反淮南遣石守信王審琦李處耘討之上親征重

地理

死。建隆四年二月王師入荆南南平高繼冲舉族歸朝得州
三縣一十五。三月克湖湘周保權得州十四縣五十八。六年正月拔
蜀孟昶降南川悉平得州四十五縣一百九十八。開寶四年二月拔
廣州擒劉鋹嶺南悉平得州四十一縣六十五。八年十一月後昇州
擒李煜江南悉平得州一十九軍三縣一百八。太宗太平興國三年
四月平海軍節度使陳洪進上表以所管十三州歸于有司。三年五
月錢徽獻所管十三州一軍八十六縣。四年上親征太原北漢劉繼
元上表納欵得州十縣四十一。七年得西夏李繼捧銀夏二州
元豐九域志

謹按聖朝元豐頒行李德劄曾肇王存等撰九域志總為二十三路。
元豐元年詔河北東西求興秦鳳京東東西京西南北淮南東西路轉
運司通管兩路遂以河北陝西京東京西淮南路為各提刑提舉司仍
舊分路。京東東西路熙寧七年分京西南北路太平興國三年分河
北西路後併為一路熙寧五年復分為二路河北東西路太平興國三

年分河北南路雍熙四年分東西路端拱二年併為一路熙寧六年
分二路陝西路太平興國二年分河北河南路又有陝府西路後併為
一路熙寧五年分二路按陝除永興一路外鄜延環慶涇原秦鳳熙河
是為五路而序止稱陝西路今姑別之以俟觀者河東路淮南東西路
太平興國元年分東西路後併為一路熙寧五年復分二路兩浙路江
南東西路太平興國元年分東西路後併為一路天禧四年分二路荆
湖南北路咸平二年分南北路咸平四年分益利夔梓四路嘉祐四年以益州路為
開寶六年分陝路咸平四年分益利夔梓四路嘉祐四年以益州路為
成都路梓州路利州夔州路福建路太平興國元年為兩浙西南路雍
熙三年改福建路廣南東西路

化外州郡

契丹自唐末陷營平二州晉祖起并州籍其兵勢割幽瀛莫涿檀順新
燕儒武雲應寰朔蔚易十六州以報之顯德六年周世宗復瀛莫二州
三州四州為虜所據。西夏自唐末拓跋思恭鎮夏州討黃巢有功

氏有拓拔仁福者為蕃部都指揮使從其姓梁開平中將吏迎立仁福為州帥子彝起彝與繼為帥世有夏銀綬宥之地彝與在國為定難軍節度使太傅中書令封西平王其後光虞繼錡繼佐相次承襲然自祖宗以來服叛不常朝廷易其小寇不即討除彼盜宥之地故元豐九域志列之於化外云○宋朝化外州蓋唐羈縻之類雖貢賦版籍不上戶部然聲教所暨皆邊州帥府領焉○河北路安東上都護府幽慎易以檀營平燕歸順遼節順瑞薊○河東路安北大都護府單于大都護府鎮北大都護府雲應新蔚媯朔寰儒毅陝西路安西大都護府庭靈夏涼沙鄯瓜銀鹽勝宥西廓會宕疊甘肅伊洮陽建康鎮利州路松扶翼當悉恭拓宜保靜靈州路思費播莢祥西高業充莊琰廣南路交峯攘嚴由愛驩陸福祿長越温演林景環平琴山武安古德化節

州
升改廢置州郡

四京

東京

南京

西京

北京

河東路

升改四

兗政和八年升冀慶府

齊升濟南府

曹升興本府

鄆升東平府

廢一

廣濟熙寧四年廢入曹州

京西路

升改五

陳宣和元年升淮寧府

許升穎昌府

穎升順昌府

孟升河陽府

汝政和五年改陸海軍

廢一

光化熙寧三年廢隸襄州

河東路

平陽府 和八年 潞州 升龍 府 崇寧元年

沁水 太平興國四年 慈 熙寧五年 晉平 太平興國四年 靜樂 咸平五年

河北路

升改七

德 升 定 升 邢 宣和元年 趙 升

澶 崇寧五年 瀛 升 乾 宣和元年 寧 大觀二年

廢二

通利 熙寧三年 承天 廢

兩浙路

升改六

越 紹興元年 杭 升 蘇 宣和二年 潤 升

溫 政和七年

廢二

順化 廢 江陰 廢

淮南

升改二

舒 政和五年 壽 政和六年

廢一

高郵 連水 天長 至道二年

江南路

升改二

歙 宣和二年 江寧 建炎二年

荆湖路

升改二

岳 宣和二年 誠 崇寧五年

廢三

漢陽 熙寧五年 荆門 熙寧六年



升改二

端宣和元年升肇慶府

桂紹興三年升靜江府

開置二

隆充政和五年西路置

廢二十五

富縣富登勤常樂縮順寓思明南儀崖隴博牢羅賓蒙思嚴黨恩州
歸恩芝州

陝西五路

升改四

通遠崇寧四年延升府

慶升軍

廢二

乾儀熙寧五年

緡熙寧三年

陵都略

陵并大...

利州路

升一

三泉縣今復改大安軍

廢二

璧開寶五年

集熙寧五年

潼川路

升改四

戎政和四年叙州

梓州宣和元年升潼川府

遂升府

涪井改長寧軍

夔州路

升改一

渝崇寧元年改恭州

大觀三年置

永興路

升一

永興軍升京兆府

河北化外

升改二

幽州升燕京府

雲州升雲中府

陝西化外

改一

澶州宣和元年改樂州

瓌路化外

省二

恩播宣和二年省并恩為秀州或播為播州或

州名多凡口唐舊號不同者

魏曰魏郡 滑曰靈河 熙曰臨洮 楚曰山陽 明曰奉化

嵐曰樓煩 龍曰江油

唐所無者十三

澶曰澶淵 軍曰碭郡 淮曰易陽 磁曰滏陽 祁曰浦陰

耀曰華原 府曰永安 宿曰符離 泰曰海陵 信曰上饒

沅曰潭陽 昌曰昌元 南劔曰劔浦 浦化曰陵水

群書考索卷六十

前集